

影印
文淵閣

四庫全書

影印

文淵閣四庫全書

第一三五〇冊

北京出版集團公司
北京出版社

本册目次

宋 文 鑑(一)

宋 呂祖謙奉敕編……………一

欽定四庫全書

集部
宋文鑑卷二

詳校官監察御史臣劉涓

助教臣常循覆勘

總校官降調編修臣倉聖脉

校對官中書臣李荃

膠錄監生臣楊遐齡

欽定四庫全書

集部八

宋文鑑

總集類

提要

臣等謹案宋文鑑一百五十卷宋呂祖謙編

案李心傳建炎以來朝野雜記稱臨安書坊

有所謂聖宋文海者近歲江鈿所編孝宗得

之命本府校正刻板周必大言其去取差謬

遂命祖謙校正于是盡取秘府及士大夫所

欽定四庫全書

宋文鑑
提要

藏諸家文集旁采傳記他書悉行編類凡六

十一門又稱有近臣密啟所載臣寮奏議有

詆及祖宗政事者不可示後世乃命直院崔

敦詩更定增損去留凡數十篇然迄不果刻

也此本未知為祖謙原本為敦詩改本朱子

語錄稱文鑑收蜀人呂陶論制師服一篇為

敦詩所刪此本六十一卷中仍有此篇則非

敦詩改本確矣商輅序稱當時臨安府及書

肆皆有板與心傳所記亦不合蓋官未刻而後來坊間私刻之故仍從原本耳同時張栻遺朱子書議祖謙此書無補于治道無補于後學並責其承當編此等文字非所以成君之德其論似高而實過朱子語錄記其選錄五例亦微論其去取有未當然陳振孫記朱子晚年語學者曰此書編次篇篇有意其所載奏議亦係當時政治大節祖宗二百年規模與後來中變之意盡在其間非選粹比也則朱子亦深許之矣乾隆四十六年五月恭校上

總纂官臣紀昀臣陸錫熊臣孫士毅

總校官臣陸費墀

宋文鑑序

宋淳熙中呂成公祖謙奉朝旨裒輯建隆以後建炎以前諸賢文集精加校正取其辭理之醇有補治道者以類編次定為一百五十卷書成上之命名皇朝文鑑周益公必大為序當時臨安府及書坊皆有剞版歲久散佚其書傳於今者甚鮮近時提督浙學憲副張和節之偶得是書以示嚴郡太守張永邵齡邵齡欣然命工重鈐諸梓以廣其傳其間題識仍舊款目無改則以摹本

翻刻弗別繕寫思謬誤也邵齡以序見屬欲以識歲月云竊觀汴宋之時光岳氣完賢才衆多周程以理學顯歐蘇以古文倡韓范以相業著其他文人才士後先相望諷詠之間有規戒焉議論之下有褒貶焉上足以格君心而扶人紀下足以明善惡而別邪正所謂文之有補於治道者如是然則文以鑑名豈徒辭章云乎哉先是太平興國中嘗詔修太平御覽策府元龜文苑英華三書各千卷太宗日覽二卷因事有缺則暇日追補曰

開卷有益朕不為勞方孝宗銳志恢復之秋干戈未息而能留意文事若此豈非克守家法者歟雖功業未底於成而國勢自是益振南渡以後稱君賢者必曰孝宗是豈詰兵之力要亦右文之效洪惟我朝混一區宇于茲百年涵養既深大音斯振羽翼聖經鋪張鴻猷著作之功於斯為盛必有彙次而傳於世者是予不敏姑書此以俟天順八年歲次甲申冬十二月之吉歸田前通議大夫兵部左侍郎兼翰林院學士知制誥經筵官淳欽定四庫全書

安商輅序

欽定四庫全書

宋文鑑

二

欽定四庫全書

宋文鑑卷一

宋 呂祖謙 編

賦

五鳳樓賦

梁周翰

伊京師之權輿也遐哉邈乎驗河圖之象按輿地之書

宅禹貢豫州之域距天文辰馬之墟因四履建侯之地

為六代興王之居城浚而都派河而渠結坤之絡振乾

欽定四庫全書

宋文鑑

一

之樞星甕櫛堵我民之廬海漕山膾我田之租勢雄跨

胡氣王吞吳茫茫萬國魚貫而趨惟聖皇之受命應期

運而握符光潛躍於龍德踐元亨於帝衢道德何師尊

盧赫胥揖讓何比陶唐有虞英略神武威憚八區封豕

必誅長鯨盡剝虎皮包刃鵠板搜儒墜典皆索闕政咸

銷成天下之大務若雷奮而風驅乃顧京室時行聖謨

陋宸極之非制稽紫垣之舊圖且曰不壯不麗豈傳萬

世禹之卑宮蓋勿暇之計堯之茅茨非經久之制矧象

魏之縣法伊億兆之所視況我力如天我貲如地不漁
爾民不牟爾利一毫之費差足為易乃詔共工度景之
中因舊謀新庀徒僦功臺卑者豐棟易而隆椽斷而磬
去地百丈在天半空五鳳翹翼若鵬運風雙龍蟠首若
鼇戴宮丹楯霞繞神光何融朱楹虹植晴文始烘繡楣
焜耀彫拱玲瓏椒壁塗赭綺憲暈紅雙闕偶立突然如
峰平見十里深映九重奔星隆而交觸靈景互而相逢
門呀洞缺若天之裂縱舉百武橫駕六轍金鋪爍人光

欽定四庫全書

宋文鑑
卷一

景明滅舞陽之力莫得而排叔梁之力胡可以挾其下
則冠蓋歲蕤劍佩陸離車如流水待漏而馳駕肩排踵
兼蠻渾夷萬眾紛錯魚龍尊卑咸去來之由此競奔湊
於玉墀賈皇風之無外豈朝盈之有時三事庶尹乃拜
表蕭牆謁帝未央以落大壯登訶永昌曰

元聖明兮帝道昌威四海兮君萬方峙高闕兮冠百常
赫宋德兮垂無疆瞻天顏兮獻壽觴願君王兮長樂康
帝曰俞哉爾觴且置當聽朕言庶曉朕意頃於戎馬之

暇詳窺歷代之紀乃知乎夏德之衰璇室自庇商政之
壞瓊宮大侈楚王章華一身何寄秦皇阿房三世而棄
漢武柏梁孽火隨熾陳后三閭義師尋至豈非乎禍生
於漸欲起於恣亦如崇飲不已必至昏醉嗜色不已必
至乏瘁遷怒不已必絕人祀窮兵不已必暴人齒甘諛
不已必杜忠義溺讒不已必斥賢智亡國之君未嘗不
爾朕皆知之得以趨避淫於土木雅不如是美其成功
良以為愧不舉君觴恐驕朕志其大者天地所重者神
器尾虎足冰終日惴惴當共重之勿使顛墜謹謝公卿
無忘納誨羣臣乃退咸呼萬歲

欽定四庫全書

宋文鑑
卷一

籍田賦

王禹偁

臣謹按周制孟春之月天子親載耒耜籍田所以事天
地山川社稷先主醴酪粢盛于是乎取之恭之至也自
周德下衰禮文殘缺故宣王之時有號公之諫秦皇定
霸鮮克由禮漢祖龍興日不暇給孝文孝景始復行焉
昭帝美田亦其義也後漢永平中明帝東巡耕于懷縣

非古制焉魏氏親耕闕百官之禮蓋草創爾晉武太始之年略修隆典宋文元嘉之代亦舉舊章齊用丁亥之辰梁以建卯之月後魏北齊沿革有異隋朝唐室文物可觀太宗行之于前明皇繼之于後自茲已降廢而不行將煥先農必待真主皇家享國三十載陛下嗣統十四年武功已成文理已定乃下明詔耕于東郊百執悅隨三農知勸禮官博士蹈舞而草儀甸師嗇夫哥詠而供職方拾遺直史館王禹偁再拜而颺言曰耕籍之義

欽定四庫全書

宋文鑑
卷一

大矣哉千畝之田三推之禮所以教諸侯而事上帝率人力而成歲功實邦國之彛章皇王之大典昔潘安仁賦之于晉岑文本頌之于唐今王道行矣王籍修矣神功帝業煥其有光宜暢頌聲以播樂府謹上籍田賦一章雖不足形容盛德亦小臣勤拳之至也其詞曰十四年兮帝業遐宣寰區晏然乃順考於古道將躬耕乎籍田務本勸農稽前文而備矣事神教養舉隆典以行焉萬國歡心而懌懌百官供職以虔虔草儀注於有

司議沿革於遺編築壇墀之三陛開阡陌之百畝文物聲名合禮經而有度旌旗衣服應方色而不愆既而屆孟春擇元日太史先奏天子將出是月也適人徇路星鳥中律當東郊之迎春是東作之平秩皇帝於是即齋宮辭帝室戒錫鸞嚴警蹕乘青輅以有威儼朱紱而無逸佩乎玉也懸黎之色蒼蒼載其旂焉千呂之雲鬱鬱屬車負播殖之器後宮獻種稂之實紅縑黛組服葱裼以陸離縹輓紺轅駕蒼龍而飄歛太常之禮具舉司農

欽定四庫全書

宋文鑑
卷一

五

之屬各率甸師掌舍警御陌以惟嚴封人野廬設壇宮而靡失于國之東千官景從風清塵而習習雨灑道以濛濛時也木德盛陽氣充春芒甲圻青青兮恣恣春土脈起油油兮溶溶冠蓋蔽野珮環咽風狀浮雲兮隨應龍旂幟張日車徒塞空若衆星兮環紫宮修農事以惕惕襲春服之重重爾乃配少皞祠先農尸祝無愧豆籩以供太牢之牲薦之而肥腍太簇之樂奏之而春容于是修帝籍勞聖躬撫御耦以無怠履游場而有蹤將循

乎千畝之制豈止乎數步之中耕鉤盾之弄田但矜兒
戲脩建康之春籍未煥農功有以見萬乘之尊三推而
舍或五或九降殺之義有倫爾公爾侯貴賤之班相亞
嗇夫灑種以斯畢庶人終畝而告罷千耦其耕煥乎禮
成播百穀兮率人力誨載芟兮揚頌聲將見乎餘糧棲
畝腐粟如京神倉令納乎黍稷以備梁廩懷氏收其
藁枯用餉犧牲觀畎畝兮化被重民天而教行自得訓
農之實非貪慕古之名然後下青壇歸絳闕百姓知勸

欽定四庫全書

宋文鑑
卷一

羣后咸謁在鎬之宴啓訶虞之音發獻萬壽兮懽呼奏
九韶兮鏗越開三面以行惠宥五刑而審罰恩流於孝
悌力田德被於雕題辨髮興五土之利固必躬而必親
同三代之風復不矜而不伐大矣哉籍田之禮豈三年
而不為躬耕之義將百代而可知我所以舉久廢之禮
定不刊之儀慮弗勤於四體將有害於三時務農桑兮
為政本興禮節兮崇教資民乃力穡歲無阻饑神農斲
木之功我其中矣后稷播時之利我得兼之供秬鬯以

斯在介豐年而有期丕顯事天之禮誕歌祈社之詩祀
山川兮神鑒明矣配祖考兮德馨遠而永錫純嘏用光
孝思乃作頌曰倬彼東郊公田是闢大君戾止言耕其
籍帝籍既脩乃及公侯親爾來報勤爾田疇言采黍稷
祀于園丘億萬斯年以承天休又曰倬彼東郊耕壇其
崇大君戾止言訓其農農功既督乃知榮辱爾家以給
爾人以足言奉丞嘗享于此屋億萬斯年以介景福

端居賦

种放

欽定四庫全書

宋文鑑
卷一

予嘗闔扉而居不樂他游未嘗以一詞輒干公侯以借
浮譽門外苔封草纖非知已之深者無一造其居或罪
予曰嗟乎明逸上有明天子賢執事子獨貧且賤取也
又易稱君子以貞凶子其有是乎予退而作端居賦
山鳥寂寂梧陰晝碧窮居退夫耿然不憚精神沮而猶
徉冠履陋而踧踖類沈酣而未醒豈執迷而莫析固貽
譏於獨善尚多言而自釋鯨鵬雖大無風波而何益胡
粵萬里捨舟車而奚適在聖賢雖有志于下民孰能無

位而立辟况予才不造於往哲名器取期於苟得在得
喪不忌於明聖顛沛必思於正直終皮弁以自守惡鵠
寇以假飾進不妄而嘻嘻退不怨而戚戚故孟軻有言
雖有鎡基不如逢乎有年顏氏幾聖樂在陋巷亦將育
乎令德茲窮通之自信匪古今之可尤顧竊位而擇肉
分予誠自羞寧守道而食芹分中心日休予將息萬競
消百憂養浩氣於蓬茅之下飲清源於淵默之流侶鸞
鵠兮雲霓之表終焉泯衆議之啾啾

欽定四庫全書

宋文鑑
卷一

大蒐賦

丁謂

司馬相如揚雄以賦名漢朝後之學者多規範焉欲其
克肖以至等句讀襲徵引言語陳熟無有已出觀子虛
長楊之作皆遠取傍索靈竒瑰怪之物以壯大其體勢
撮其辭彩筆力恢然飛動今古而出入天地者無幾然
皆人君敗度之事又於典正頗遠今國家大蒐行曠古
之禮辭人文士不宜無歌詠故作大蒐賦其事實本之
於周官歷代沿革制度參用之以取其麗則竒言逸辭

皆得之於心相如子雲之語無一似近者彼以好樂而
諷之此以勤禮而頌之宜乎與二子不類辭曰

仲冬天子嚴祀事答神祐佇農隙謹蒐狩踵教本稽典舊
禮容左右武事前後等尊第早上長下幼人民豐濃物色繁
富蓋亦閱軍實於介冑非徒恣遊畋於禽獸者哉前期
命虞人以采芴蒼艾擁遏草木夥鈞原隰砥閭視軍衆
寡度地本末高表四立坦場中豁限田防而蘭織志轅
門而旌揭青龍白虎擁護乎行在之所左罕右畢分張

欽定四庫全書

宋文鑑
卷一

乎侍衛之列風蕭蕭而野鳴雲陰陰而晝結麋鹿狼狽
以投林狐狸踉蹌而遷穴由是司馬舉職羣吏咸秩各
有司存皆給名物備小駕而六龍集開武庫而五兵出
輅車金玉旂章日月戟牙刺舉旄頭雲密畫蚩尤於旂
顛匣干將於劍室驥駃安貼以負輓驢騾徘徊而轉軼
召飲飛以前導命玄武而殿卒目恍羅列神驚比櫛師
勅戰法帥董戎律始建旗以誓衆亦斬牲而戒失所畋
之野備物成畢外事尚剛戊日惟吉上乃乘七駟擁六

軍白旄方下於北極黃纛已塞於應門服章天地車駕
風雲日隨月侍嶽走川奔列缺收聲而聽蹕豐隆鼓力
以扶輪隊仗乎八百諸侯殿呼乎七十二君煙霞錯雜
以垂地河漢顛倒而失源靈祇懾慄怪物騰騫顛帝蒼
黃而廢職玄冥條閔以馳魂儼方離於大內盛已列於
平原禡表云已銜枚而前蚺陣翼張虎賁環匝鼓以三
闌圍不四合律戎索以濟濟飾軍威而熒熒鐸再振而
鐃再鳴弓斯張而矢斯挾爾乃驅百獸當一人弓工操
欽定四庫全書

宋文鑑
卷一

十

聲振而萬國聳立天仗指而九門洞開郊饁獸而禮之
勤也廟獻禽而神其享哉以勞飲至以能策勲刑必加
於共棄爵乃及乎衆尊如是則不曰暴天物不曰教民
戰于以辯名號而訓仁義于以昭文章而明貴賤也下
臣竊詳三代之書頗究二王之典大閱之制昭然義見
軍旅之事闕教則失利祭薦之制非理則不獻施信賞
率怠倦使夫民知方兵誠變莫若示蒐畋而敦大勸也
後之王者反禮叛經荒樂誅殺放懷蕩情借如漢武於
欽定四庫全書

宋文鑑
卷一

七

古詳明博搜聖書廣召文英講評謨訓華飾聲明凡曰
大樂闕馬不行乃窮畋極獵誇國耀兵隔蜀羅設跨秦
戈橫虜卯矢死猶狨愁聲以至欺猛狂而手格喜暴惡
以力爭豈殘忍之足恥唯豪勇之所京下垂歷代不能
變更魏晉而下離合衰瀛咸局促以僅守曷禮樂之能
興粵抵李唐時惟會昌彼文明二帝實驅馳百王大畋
之義猶或廢亡者若陛下自膺寶命臨萬方動必法度
舉皆故常緝義軒之絕緒新姬孔之舊章郊焉而五帝

肅肅享焉而百神洋洋九年三月升于紺壇十有三年躬耕籍田心以民本事由禮先謫王滿嗜慾乎馳騁作帝徹瞽瞍乎神仙故天地不能藏祥而祕瑞日月無以示譴而戒愆甘露降而區宇澤景星燭而氛祲蠲總治本操化源措慮寂爾存神泊然是以發狂之心無自入焉下臣以謂大蒐之典周公制於往古陛下行于今茲中間數千餘祀咸杳昧而不知彼唐漢之士修崇禮儀封禪之徵誕明堂之說奇此數事不詳於堯舜文武之

欽定四庫全書

宋文鑑
卷一

十三

書臣寧敢狂斐而陳諸所以賦大蒐而歌盛禮也俾千古知至德之巍巍

洞庭賦

夏侯嘉正

楚之南有水曰洞庭環帶五郡森不知其幾百里臣乙酉夏使岳陽抵湖上思作賦明目披襟而觀之則翼然動足然跂慄然駭愕然眙恍若駕春雪而軾霓浩若浮汗漫而朝躋退若據太山之安進若履千仞之危惜若無識智若通微跛若不倚蹠若將馳耳不及掩目不暇

逃情悖心嬉二三日而後神始宅氣始正若此不敢以賦為事者二年然眷眷不已一日登崇丘望大澤有雲崒兮興歎兮止興止未霽忽若有過由是漬陽輝沐芳澤覩一異人于巖之際霞為裾雲為袂冰膚雪肌金珎玉佩浮丘羨門斯實其對因言曰若非好辭者也臣曰然然則若智有所不通識有所不窮用不通不窮而循乎無端之紀若得無殆乎臣又曰然然至極則物應思精則道來嘉若之勤無譁無談吾為若稱云太極之生

欽定四庫全書

宋文鑑
卷一

十三

曰地曰天中含五精五精之用而水居一焉水之疏通則為江兮遠則為河積則為瀦兮總則為湖若今所謂洞庭者傑立而孤廓然如無區其大無徒含陽字陰元神之都曖曖昧昧百川不敢逾有若神者有若賓者有若僕者有若子者有若附庸者有若娣姒者有若禹會塗山武巡牧野千出百會咸處塵下每六合澄靜中流迴睨莽莽蒼蒼纖靄不翳太陽望舒出沒其間萬頃咸沸彊而名之為巨澤為長川為水府為太淵縱之不踰

跼之不卑乍若賢人以重自持誘之不前犯之愈堅又若良將以謀乎邊澎澎漠漠浩爾一致又若太始未有仁義沖沖漠漠二氣交錯又若混沌凝然未鑿此乃方輿之心胸溟海之邠郭也三代之前其氣蘊落浩浩滔天與物迴薄滅木襄陵無霽無廓上帝降鑒巨人斯作乃命玄夷授禹之機隧山堙谷滌源暢微然後若金在鎔若木在工流精成器夫何不通是澤之設允執厥中既異其性遂得其正有升有降有動有靜臣應之曰升

欽定四庫全書

宋文鑑

十四

降動靜可得聞乎神曰水之性非圓非方非柔非剛非直非曲非玄非黃劃象為坎本乎義皇外婉而固內健而彰降以姤始升以復張其靜處陰其動隨陽六府之甲萬化之綱式觀是澤乃知天常若乃四序之變九夏收處烘然而炎沸然而煮羣物鴻洞爍為隆暑澤之作頽然其容若去若住若茹若吐靈超怪覲沓不可覩蒸之為雲散之為雨倏忽萬象如還太古真可嘉也若乃秋之為神素氣清泚肅肅脩脩羣賴四起澤之動黝然

其姿若挺若倚若行若止異宮離離為之騰風蒼梧崇崇為之供雲四顧一色黯然氤氲其聲瀾瀾若商非商若徵非徵東湊海門一浪五千里又足畏也言其狀則石然而骨岸然而革氣然而榮降戶江切然而脈有山而心有洞而腹有玉而體有珠而目穹鼻孤島呀口萬谷臂帶三吳足跬荆巫或跂然而望或翼然如超彭蠡震澤詎可云乎臣又問曰澤之態已聞命矣水之族將如何居神曰大道變易或文或質沈潛自遂其類非一或被甲而遁或曳裾而仟或禿而跋或角而蜿或吞而呀或呿而牙或心以之懈或脩以之暇或修臂而立或橫驚而疾或鬚於首或髯於肘或儼而莊或毅而黝彪彪玢玢若太虛之含萬彙各備其生而合乎羣者也臣又問曰若神之資其品何如也神曰清矣靜矣麗矣至矣邈難知矣肇于古古有所未達形于今今有所未察非希非夷合其心於自然然後上天入地把三根六况水居陸處夫何不燭彼鯢鯢之賢繼龍之仙乃吾之肩也

欽定四庫全書

宋文鑑

十五

其餘海若天吳陽侯神胥齟齬而遊曾不我儔臣又問
曰易稱王公設險是澤之險可以為固而歷代興衰其
義安取神曰天道以順不以逆地道以謙不以盈故治
理之世建仁為旌聚心為誠而弧不暇弦矛不暇鋒四
海以之而大同何必持險阻何必據要衝若秦得百二
而帝齊得十二而王而山為金其水為湯守之不義歟
然而亡水不在大恃之者敗水不在微怙之者危若漢
疲於昆明桀困於酒池亦其類也故黃帝張樂而興三
欽定四庫全書

宋文鑑
卷一

七

苗棄義而傾則知洞庭之波以仁不以亂以道不以賤
惟賢者觀之而後得也於是盤旋徙倚凝精流視罄以
辭對倏然而晦

矮松賦

王曾

齊城西南隅矮松園自昔之間館此邦之勝槩二松對
植卑枝四出高不倍尋周且百尺輪囷偃亞觀者駭目
蓋莫知其年祀亦靡記夫本源真造化奇詭之絕品也
曾咸平中忝鄉薦登甲科蒙被寵靈踐歷清顯幾三十

載前歲秋始罷家司出守青社下車之後省閭里訪故
舊則曩之耆耄悉淪逝童冠皆壯老邑居風物觸目遷
變惟彼珍樹依然故態竊謂是松也匪獨以後凋克固
歲寒抑由擁腫支離不為世用故能宅茲臯壤免於斤
斧向若負構厦之材竦凌雲之幹將為梁棟戕伐無餘
又安得保其天年全其生理哉感物興歎聊為賦云聊
惟中齊之舊國乃東夏之奧區有圓游之勝致直屢闐
之坤隅偉茂松之駢植軼衆木而特殊上輪囷以大矯
欽定四庫全書

宋文鑑
卷一

七

旁翳薈而紛敷廣庭無之可蔽高尋常之不踰枝擁闥
兮橫亘根蹙縮兮盤紆徒觀其前瞻林嶺却枕康衢宅
寶勢兮葱鬱據右地兮膏腴類蟠蟄兮神唼訝騰倚兮
虎羆將擎攫兮未奮忽伏竄兮爭趨色鬬鮮兮欲滴形
詭俗兮難圖遠而望之蔚兮若搏鵬之出滄海迫而察
之黝兮若方輿之承寶蓋蠹洞口之歸雲堆崑阿之宿
靄談揮塵兮何多被集翠兮增汰度朔吹兮颺颺含陽
暉兮晻藹吾不知其幾千歲起毫末而碩大昔去里兮

離邦攀綠條兮彷徨今剖符兮臨郡識奇樹兮青蒼休
光景兮遙邁嘉歲寒兮益彰葉麋麋兮不改情眷眷兮
難忘異古人之歎柳協予志之恭桑信矣夫卑以自牧
終然允臧效先哲之俯僂法幽經之伏藏願跼影於澗
底厭爭榮於豫章鄙直木兮先伐懼秀林兮見傷幸高
梧之垂蔭愧修竹之聯芳鸞乍迷於枳棘鷦每悞於榆
枋媿周雅之踏地符義易之異牀既交讓以屈節復善
下而同方自儲精於甘實不受命於繁霜客有系而稱
欽定四庫全書

聲賦

張詠

聲賦之作豈拘模限韻春雷秋蟲之為事也蓋取諸聲
成之文王化之本苟有所補不愧空言爾賦曰
罔象迷冥大人忽生混沌初竅呀然震驚二儀吐形萬
靈吐英天機動制軋而為聲故形有美惡焉聲有大小

焉伊物類之動作俟人事而克全至于大雷隱空萬竅
吼風不為之隆品物磨臬羽足動發不為之末末若人
聲與天通功與物長雄口吻之啓出於厥躬道樸之張
騰凌鴻濛其所聞者義黃唐虞繼踵而至宇宙隘其神
造化侔其智在聲之偉也得迴天而動地觀其得一
之發清清冷冷涼寒洗瀛萬類聽之如懽而醒仁信之
發溶溶奕奕呼道振德萬類聽之如日破黑曰禮曰義
相迭而起鳴孝響悌駭心清耳萬類聽之如愁得喜廣

欽定四庫全書

宋大觀
卷一

七

成五老聞而啓齒曰是何帝皇之聲也如此九道交訛
華夷和歌蠢動鼻息歡咍實多其在物也昭昭融融萬
緣和同萬賴響空答天之功其在人也萬心氣平萬口
宣騰雲門六英答君之聲故知五音八聲聲之枝歟金
石絲竹聲之器歟若本不正而聲不清何嘗動天地泣
鬼神而有諸三五迭生異業同聲唱古寡應呼今得精
儀事以之繁會時風為之勁清作禮者有周旋之矩制
樂者有大武之名故聖人之音鏘如鏘金聖人之治潺

如流水加以商辛夏癸行無轍軌情慾沸空淫娃盈耳
民不知告政聲遂毀幽厲縱作心胡可度唱僻者輕脫
和偽者交錯鼓鉦之響日馳禮義之風日薄王道民政
潰然投壑攻乎亡國之音聚為終身之樂秦怪一聲天
搖地坑烘赫火烈荒茫海傾阿房輦材枿泉山迴紫塞
築壘勾轟震雷鉗聖愚儒四海睽孤剝亡命痛腦連
脛于是民失其業怨口喋喋野薄其農荆榛颺風刑失
其矩民哀無所兵革填委死為怨鬼故怨之為氣也散

欽定四庫全書

宋文鑑
卷一

五

為囂塵積為屯雲閉鬱六合陽靈不暎怨之為聲也烈
風相倚怒濤兼起鬼哭於郊神號於市川谷為之鬬擊
山巒以之崩圯陳吳一呼而宗社瓦毀天窮地終醜聲
不已洎于漢唐惟高與光太宗續堯開元嗣皇智冠絕
古氣凌昊蒼倚天憑怒即動盪於八荒按劍大呼即交
映於中方借力者黎獻助聲者賢良亦不能廣仁義於
通秦使道德之激揚掩商秦之餘韻系唐虞之聲芳者
也未若我后凝神定思誠求理致與聖作則為難於易

惟禮是崇惟仁是嗜叩乎杳冥清靜以聽聞古謬感皇
心不平於以忠良是旌息嗟吁之聲不肖是黜息濫謬
之聲均物惻隱息哀怨之聲厚施薄歛息流亡之聲四
人是別息澆競之聲狴犴是理息冤枉之聲道德是守
息兵革之聲人勞是恤息彫斲之聲小人是遠息邪佞
之聲正音是奏息恣憊之聲奇哉壯矣堯嗟舜驚致章
濩之調下覺唐堯之頌輕浩浩蕩蕩無得而名異聲之
襲也揚溢昭灼上賢下愚既歡且譁鳥獸踰踰虫虺躍
躍信千載之一時與有生而同樂余欲引聲而作未知
何若

欽定四庫全書

宋文鑑
卷一

五

春雪賦

錢惟演

癸亥歲二月晦訖季春旦霰雪雜下平地二尺寒威於
是凌厲陽和為之潛伏問諸農曰田有傷矣問諸圃曰
果不實矣考諸史曰陰陽戾矣予守土者豈不以民為
心因愴然而賦

春陽以中百昌俱作彼陰冷而忽興何飛霰之驟落始

蒙蔽於陽鳥遂潛藏於天幕水霞雜下溫寒相搏纔袞
袞而紛採更霏霏而交錯因方就圓填溪滿壑迷匹練
於素鵬混高雲於皓鶴七盤頓失乎熾嶮二室僅存乎
岷嶓我有爰田既鋤既耰我有條桑且楸且柔豈滅裂
而是取顧沃若之待收惟此暴殄予心則憂亦有庶草
羣木千芳萬菲粉落絮起珠傾玉碎建森纚之高牙垂
陸離之長佩掩藩匳之鬱栖覆臺塘之畏於鬼切壘力軌切
病李殢於井幹芳蘭沈於林薈有卉復負有鳴嚶嚶移

欽定四庫全書

宋文鑑
卷一

三

薦草以無所戀危巢之欲傾顧澤中而罷釣之壠上而
輟耕手足痺瘁吾道不行吾乃詩歎麻衣歌悲黃竹免
園靡名於游客弇山遂休於王屬隔瑤水之來使沒騷
人之行轂東郭歎不完之衣梁山作思歸之曲豈由漢
女之冤遂至衛民之哭已而違時令反天常氣雖淒而
不烈風雖暴而不揚忽曜靈之委照佇消釋於輝光

君可思賦

楊億

夫生民在世分事之攸同子之能仕兮父教之忠念委

質而勿貳兮本陳力以首公雖代耕而後祿兮曷期修
以圖豐亦懷材而待試兮將乘時而奮庸夫何直諫不
回孤堅寡偶貫歲寒而勿改兮濯江漢而無垢中履絮
以好修兮外葆光而虛受筮仕逢亨奏技承平濯鱗禁
沼拊翼丹楹堯文載郁禹律惟精荷紫囊而舐筆兮從
單于之勒兵霜颺刮骨流塵滿纓自此研精藻翰局影
天高臺殘鷄管香消鶴綰鬢凋屋憤心懸閭鈴矧乃郢
坊酒醇武都泥紫版急鵷頭書詳馬尾石屋紬書鴻都

欽定四庫全書

宋文鑑
卷一

三

約史據據闕遺發明統紀竊企跡於前修庶同風於古
始慮罔越思身亦勤止宣漢德於無窮納舜韶於義美
志本勿矜言乎有憑非施勞而伐善豈揚已而害能每
燥吻而躑躅屢撫心而屏營激謏泉而載洄鼓思風而
弗興感外邪而邁癘殆五日之沈冥悵官事之孰了汨
勞府而靡寧豈望夫連城之報豈愛乎畫餅之名羌民
生之朴忠希在昔之遐蹤思不出位罔貪天功慕臺駘
之業官肯有二事念犁彌之辭賞愈激厥衷庶克終於